



Heinricus ex illustri familia comitum de Holstein prognatus, adeò rerum bellicarum peritia & uirtutum excellētia passim apud Germanos & finitimos principes excelluit, ut Ferrei cognomen impetrarit. Is primò sese in Daniam contulit, eius regis castra secutus res sibi commissas foeliciter expediuit. Postea ad Sueones conuersus, pari dexteritate exercitus duxit, atq; uictoria cōtra hostes impetrata, regi charissimus fuit. Itaq; rex ei aliquot arces & oppida, inter quæ & Calmeren fuit, dono dedit. Cum autem eo tempore exitiale bellum inter Gallos & Anglos orirēt, Eduardus Angliæ rex Heinricum magnis promissis ad se pelle-

xit, atq; sui exercitus duce constituit. Itaq; Heinricus magna prudentia & fortitudine omnia peregit, atq; Anglis insignem uictoriam acquisiuit. nam prælio cōmisso Ioannes rex Boemię, Adolphus dux Lotharingię, & Ludouicus comes Flandriæ trucidati sunt. Rex etiã Gallię Philippus à Heinrico captus, atq; ad Eduardū perductus fuit. Incidit prælium illud in annum 1346. Itaq; Anglus hunc Heinricum in magno pretio habuit, atq; eum cum posteritate annuo stipendio exornauit.